

Goibekokale

ELGETA / Barikua / 201eko azaroaren 23a / 76. zenbakia

KOORDINATZAILEA: Oxel Erostarbe • Barrenkalea, 33 20570 BERGARA • Tel.: 943 76 92 71 • Faxa: 943 76 29 77 • Posta elektronikoa: goibekokale@goiena.com

Umore puntua ekarriko du La Garbo S.A. antzerki lanak

OXEL EROSTARBE

Gaur, gaueko 22:30ean, La Garbo S.A. Markeliñeren antzerki lana ikusteko aukera izango dugu Espaloia Aretoan. Kultura Batzordeak antolatutako emanaldia adin guztietako jendearentzat gomendatuta dago, eta aurkeztu zutenean zenbait sari jasotakoa da.

Bi kale-garbitzaileren bizipenak dira, gaur gauean Markeliñek taularatuko duen antzerki lanaren muina. Hasieran, umore puntua dauka ikuskizunak, bukararako ordea istorio tragiko bihurtuko da. La Garbo S.A. tragikomedia erakoa dela adierazi digu Jon Kepa Zumaldek, Markeliñeko partaideak, eta antzerki lan honetan soinu eta argiatako teknikaria denak.

Badira 16 urte, lau lagunek Markeliñe Antzerki Taldea sortu zutela. Hasieran hobby bezala hartu arren, entsegu eta antzerki lanak ikusi eta hauetan parte hartzeak, profesionalki horretan aritzera eraman zuen lagun taldea. Markeliñeren lehen lana, Mundo fantastico delakoa, hortik etorri zen. Jende hartean lan hark izandako harrera ikusita, antzerki munduan sartu ziren gogo handiz. Hasierako taldea lau lagunek osatzen bazuten ere, taldea handituz joan da, eta hamaika lagun dabilta gaur egun Markeliñeren antzerki lanak aurrera atera nahian.

Gaur egun hamalagarren lana kalean daukate. Urte hauetan antzerki mota desberdinak landu dituzte, bai kale antzerkia, bai haur eta familiarentzako antzerkiak, baita areto barnekoak ere. La Garbo S.A. edo Kale Gorrian era honetakoa da.

Markeliñeren antzerkia egiteko era nahiko berezia da. Beraien antzerki lanetan ez dute testurik erabiltzen. Irudien bidez adierazten dute nahi dutena. Iru-di horiek babesteko eta bizitasun handiagoa izan dezaten, musika, argi eta efektu berezietan janzten dituzte. Markeliñekoe, esan nahi dutenari garrantzia ematen diote, baina baita esateko moduari ere.



Iñaki Egiluz eta Javier Renobales dira kale-garbitzailearena egiten duten bi antzezleak.

SARI UGARI JASOTAKO ANTZERKI LANA Kultura batzordeak antolatu duen ikuskizunak sari ugari jaso zituen aurkeztu zutenean. Euskadiko

Antzerki Jaialdian ikusleen eta kritikaren saria jaso zuen, eta Denboraldiko antzerki lan onenaren Arriola Saria ere jaso zuen.

Herrian antzerkia ikusteko aukera paregabea dugu gaurkoan. Askotan izaten ez denez, aprobetxatu beharko.



JON KEPA ZUMALDE /MARKELIÑE ANTZERKI TALDEKOA

"Gure antzerki lanen meritua, hitzik gabe elkarrizketak sortzen ditugula da"

Zer adierazi nahi izan duzue lan honekin?

Antzerki lan berriak pentsatzen hasten garenean, kezkatzen gaituzten gaiak aukeratzen ditugu sarritan. Lan honetan kezkatzen gaituena, lanaren galtze arriskuak sortzen dituen egoerak dira. Ohitu garen betiko lana kolokan ikusteak, zer sortu dezakeen adierazi nahi izan dugu.

Zer motako antzerkia da

La Garbo S.A.?

Lan hau tragikomikoa dela esango nuke. Badaude barreak eta algarak egiteko uneak, baina istorioak oinarri garrantzitsu eta tristeak dauka.

Zuen antzerki lanetan ez duzue hitzik erabiltzen. Ez da erraza izango, hitzik egin gabe komunikatzea.

Askotan, esaldiak elkarrizketa murriztu egiten du. Esan duzuna hor dago beti, bai-

na keinuen bidez eta begiraden bidez, sujerentzia modura adierazten duzuna, ikusleak barneratu egin behar du, gero interpretatzeko. Hasiera batean antzerki lana arreta gehiagorekin ikusi behar dela dirudien arren, azkenean hitzik gabeko elkarrizketa sortzen da aktore eta ikusleen artean. Deskripzio handiko gauzak azaldu ezin diren arren, hitzik gabe gauza asko esan daitezke.

LABUR

Gaur egingo du debuta Ubera II.ak DV txapelketan

Gaur, gaueko 21:30ean DV txapelketan debuta egingo dute Xabier Ubera elgetarrak eta Haritz Laskurain plazentziarrak. Ez da partida erraza izango, Amerika eta Atutxa aurkari gogorrak izango direlako.

Lehenengo jubenilen partida izango da. Bertan, Berasaluze eta Pradok, Saez eta Rico izango dituzte aurkari.

Iaz Martinez de Eulaterkin finala galdu zuen Xabierrek. Aurten txapela irabazteko faboritoen artean dago.

Elgeta trikitilariari buruzko liburu-CDa argitaratzeaz

Euskal Herriko Trikitilari Elkarteak, Soinuaren Liburutegia sailaren barruan, Elgeta trikitilariari buruzko liburu argitaratuko du Durangoko Azokarako. *Elgeta sasiaren sustraia* izenburupean Koldo Izagirrek idatzi duen liburuarekin batera, Elgetaren grabazioa oparitu dute. Elgeta trikitilariaren grabazioa, aurretik argitaragabea da. Hil baino denbora gutxi lehenago egin zuten Donostian eta bera entzun daitekeen grabazio bakarra da.

Defentsa pertsonaleko ikastaroa

Gaztetxeak antolatu duen defentsa pertsonaleko ikastaroan izena emateko azken eguna abenduaren 6a izango da. Ikastaroan 12 urtetik gorako neska-mutilek parte har dezakete, eta ez dago adin mugarik.

Izena liburutegian edo gaztetxean eman daiteke, edo hango erantzungailura deituta (943 78 90 43). Patxi Bouzas-ek emango du ikastaroa. Abenduaren 8an hasiko da, eta ordutegia izena ematen dutenekin zehaztuko da.

TELEFONOJAKINGARRIAK

OSASUNA / LARRIALDIXAK

Medikua	943 76 81 93
DYA	943 46 46 22
Gurutze Gorria	943 22 22 22
Odol emailiak	943 76 16 24
Hies Ekimena	943 79 26 99
Ertzaintza	943 76 53 40
Suhiltzaillak	943 78 28 00

GARRAIUAK

Taxiak	943 79 12 22
Pesa	902 10 12 10

UDALA

Buleguak	943 76 80 22
Faxa	943 76 82 89
Kiroldegia	943 76 82 84
Eskola	943 76 82 26

BESTELAKUAK

Parrokia	943 76 81 45
San Andres Parrokia	943 20 11 51
Farmazia	943 78 81 50
Goibeko K.J.E.	943 78 90 85
Goibekokale (Goienkaria)	943 79 92 71
Gaztetxea	943 78 90 43
Guraso Elkartia	943 76 82 26
Ozkarbi K.J.E.	943 76 81 49
Intxorta K.J.E.	943 76 81 46
Ozkarbi Pilota Taldea	943 76 81 49

MEZAK

Zapatuetan	iluntzeko 19:30etan
Domekatan	eguerdik 12:00etan

OHARRAK

ERRETRATU ZAHARRAK

Hillekarixan egiten giñuan moduan, erretratu zaharrran atalakin jarraituko dogu aurrerantzian be. Atal honetan etxian daukazuen erretratuak erakustia gura izan ezkerro jarri gurekin harremanetan. Honetarako 943 76 92 71 telefonora deitu zeinkie edo bestela liburutegira edo GOIBEKOKALEko bulegura eruan. Hillero, Elgetako erretratu zahar bat argitaratuko dogu.

ZORION-AGURRAK

Etxeko norbaiten edo lagun baten eguna dala eta, zerbait berezixe egin nahi izan ezkerro, GOIBEKOKALEk, zorion-agurren atal honetarako aukeria emoten dotsue. Zoriondu nahi dozuena erretratua, Mari Asun Agirrerren dendara eruatia besterik ez daukazue. Ez ahaztu, eguna izan baiño hamar egun inguru lehenago argazkixa gure eskuetan egotia komeni dala.

AIPAGARRI

Eneko Maguregi saritu dute Eibarko Mikologia lehiaketan

O.E.

Udazkena perretxiko garaia da eta mikologia jardunaldiak izan ditugu inguruko herrietan. Eibarko Mikologia Jardunaldietako lehiaketan Eneko Magurek aurkezpen onenaren saria jaso zuen. Bestalde, Elgetan antolatutako lehiaketan, lau talde ibili ziren.

Eneko Maguregik aurkezpen onenaren saria jaso zuen Eibarren izandako Mikologia Jardunaldietan. Perretxiko bilatzeko egun onena izan ez arren, mota desberdinetako 18 perretxiko aurkitu zituen Enekok.

Batutako perretxikoak txukun-txukun ipinita aurkeztu zituen lehiaketara, eta epaileek berari eman zioten saria.

ELGETAN ERE IZAN ZEN LEHIAKETA

Elgetan Maya taldekoek antolatutako perretxiko lehiaketan, Ainara Arantzeta, Nora Ugarteburu, Eneritz Larrea eta Leire Azkarragaurizar izan ziren irabazleak.

Lehiaketa honetan, lau taldeetan hartu behar zen parte.



Enekok Intxortan eta Karabitxa inguruan bilatu zituen lehiaketarako perretxikoak.

Bigarrenak, Maialen Arantzeta, Janire Lazkano, Hiart Bolinaga eta Ane Elorza izan ziren, eta hirugarrenak, Pello Bilbao, Kepa

De Vega, Iñaki Beristain eta Adrian Gorostiza. Eneko Maguregi laugarren lekuan geratu zen lehiaketa honetan.

HERRITARRENHITZA/ Beatriz Zabalondo · Itzultzailea

Etxeko txikia handi egin zaigu

Hasi dira telebista kate guztiak motorrak berotzen Gabonetarako.

Badatoz pixkana-pixkana aurtengo iragarki berriak; iazko jostailuen klonen iragarriak; urtero, gastatzeko grina pizten diguten klase guztietako huskerienak. Merke zein garesti izan, garestitxo beti.

Etxeko txikia, erne-erne pantaila aurrean.

Eskolan eta lagunartean atera da gaia: "Nik halakoa eskatuko diet Erregeei". "Niri iaz ekarri zidaten hori, aurren beste hura". Eta abar.

Koadrilako "biboak" barre

egingo du, akaso. Iaz espabilatu zen hura, eta handikerietan hasi zitzaizen inozoenek: "Erregeak gurasoak dituk!"

Entzun bai, baina komeni ez denean gorrieria latza izaten dugu denok; umetan ikasten da hori, antza.

Etxeko txikiak, ondo gogoan lagunak esandakoa, etxera eramanez kontua iaz: "Ama, aita, Erregeak nortzuk dira?"



"Goxatutako malcoetan utzi du haurtzaroa txikiak"

Gurasoentzat estutasuna. Adinean hortxe-hortxe, bere gelako batzuk jakinean zeuden, beste batzuk ez...

Galdera moduko bat haurrari itzuli, eta erantzuna nolakoa, umeari garaia iritsi zitzaion ala ez, hortik jakingo zutela pentsatu zuten gurasoek: "Ama,

aita, Urliak esan digu zuek zaretela Erregeak. Baina nik ez diot sinistu. Gainera, gure

etxera urtero etortzen dira Errege Majoak, baietz?" Aurren erne baino erneago dago telebista aurrean etxeko txikia. Eta urtebete zaharrago hura ere! Auskalo zein burutazioen ondoren, afal orduan, bota du mahaian: "Aita, ama, Erregeak gurasoak dira, ezta? Iaz gure etxera etorri zirenean, errege beltza ezagutu nuen: osaba zen. Baietz?" Aulkian uzkurto, kokotsa lepoan ezkutatu eta isil-isilik negar-anpultutan lehertu da etxeko txiki-handia. Aita-amek goxatutako malcoetan utzi du haurtzaroa.

LABUR

Udalak zebra bide altxatuak jartzeko asmoa dauka

Elgetako guraso talde batek idatzia aurkeztu du udaletxean, oinezkoentzako pasabideetan konponketa batzuk egitea proposatuz.

Batetik, Kultura Etxe barrutik kiroldegirako oinezkoentzako pasabidea egitea proposatu dute. Hau zaila da Udaleko teknikarien esanetan, alde batetik eraikina Diputazioarena delako, eta bertan egin beharreko konponketak handiak direlako. Kontuan izan behar dugu udalgetako sarreraren beste aldean berogailuaren instalazioak daudela.

Autoek abiadura jaisteko seinaleak jartzea ere proposatu dute. Udalak lehenagotik zeukan pentsatuta Diputazioari zebra bideak altxatzeko eskatzea. Dagoeneko aztertu dute gaia teknikariek. Bergarara bidean, Ostatu aurrean eta Espaloiko eskaileretan, Eibarrera bidean eliza atzealdean, Elorriora bidean hiltegi zaharra zegoen lekuaren parean, eta Arrasatera bidean Salbadorreko azken etxeren parean zebra bide altxatuak jartzeko asmoa daukate.

Uriburu UTEk saltzen du:
Domingo Iturbe kalean
ETXABE KOMERTZIALA
Etxe berrien azpian
PREZIO INTERESGARRIAK
943 76 11 23
670 781 759

GOIO SARASUA
Igeltzeritza lanak
Teilatuak
Sukaldeak
Etxaurreak
Komunak
Otzango Behekoa Baserria
ELGETA
Tel: 943 86 01 56

Jesus Mari Montiel
ITURGINTZA ETA BEROGAILUAK
Artekale 3
Mo: 656783299 Eibar
Tel: 943 70 07 19
KONPONKETAK SUKALDE ETA BAINUGELETAN

Aintzane denda

zugandik gertu, behar duzun beste
Domingo Iturbe 4, ELGETA
Tel: 943 768297

ERRETRATUZAHARRA

Cerrajerako
langileak
Sondikan

Cerrajerako langileek 1950eko hamarkadaren erdialdean, San Markos eguna ospatzeko, Sondikara egindako irteerako erretratua duzue oraingo astekoa. Apirilaren 25a ailegatzan zen bakoitzean, Cerrajerako bulegarietara irteera egiteko ohitura zeukaten. 1955. urtearen inguruan, Sondikako aireportuari bisita egin ondoren, Artxandan bazkaldu ei zuten. Honako hauek dira argazkikoak, ezkerretik eskumara:

Zutik: Vicente Garitano, Serafin Linazisoro, Rufino Garitano, Juan Aiausti, Vicente Arantzabal, Pedro Aiausti, Javier Moñux, Gilberto Amasorrain, Mari Tere Peña, Felix Iñarra, Maria Luisa Peña, Luz Tellearte, Beatriz Lazkano, Juan Mari Azpiazu, Arantxa Aiausti, Milagros Durana, Mari Tere Alzelai, Maria Angeles De la Granja, Rosarito Mendibil, Lide Oregi, Begoña Irastortza, Mari Karmen Etxeberria, Ignacio Etxeberria, Maria Asuncion Gallastegi, Jose Mari Luarizaristi, Juan Jose Hernando eta Domingo Frias.
Makurtuta: Eustaquio Calvo,



Francisco Azpiazu, Tomas Antia, Martin Arana, Fernando Azkarate, Mari Karmen Oiarbide, Juan Azkarate, Victoriano Gallastegi, Miren Retegi, Dionisio Olabarria, Carmelo Mendibil eta Eusebio Larrañaga.

Argazkia: Fernando Azkarate.

ADI IRAKURLE!

Zure erretratu zaharra argitaratzea nahi izanez gero, zator BERRIGARARA (Irizar jauregia, Barrenkalea 33) edo Elgetako kultura etxera. Zain gaituzu!

NOLA ALDATUDIRENGAUZAK

Irizar kalearen
lehena eta
oraina

Bergarak izan duen hazkundearen adierazgarri, hemen duzue Irizar kaleko pare bat argazki. Ezkerrekoan kalea ia etxe barik ikus dezakezue, atzean Irizar Jauregia antzematen den arren. 1960ko hamarkadaren erdialde aldera etxeak eraikitzen hasi ziren Irizarren, eta herritar ugari bizi da han gaur egun. Berrogei urtean gauzak erabat aldatu dira.



± 1960 Udal Agiritegiaren argazkian (J. Igartzabalek emandakoa), Mariaren Lagundiko ikasleak ikus ditzakezue Irizar kalean.



2001 Irizar kalea erabat aldatu da 1960ko hamarkadatik hona. Etxe mordera eraiki zituzten han, eta herriko gune bizienetakoa bilakatu da.

M
MEMESA

INDUSTRI HORNIDURAK

Tel. 943 71 24 25
BERGARA



Zumelaga
JATETXEA

59 urte zuen zerbitzura!

San Antonio 5. BERGARA. 943 76 20 21



**Manufacturas
LARRAÑAGA**

•Lan-babeserako artikuluak
•Seinaleztapena
•Jantziak

Leizeaga 1. BERGARA
Tf. / faxa 943 76 59 53.

**Zuri Beltz
margoak**

Barnealde eta kanpoaldean
erreforma

Pintura zerbitzu osoa
Moketak

943 76 14 60
607 447 494
943 76 59 59
Bergara



Era guztietako
azulejoak eta zoladurak



Hidromasaje
bainerak eta kabinak



gelatzu s.l.

Zubillaga auzoa, 1. OÑATI
Tel.: 943 71 63 22, Faxa: 943 78 15 51



Bainu altzariak
eta osagarriak



Astean zehar
eguneko menua

Asteburuetan
menu bereziak eta
sagardotegiko menua

Pintxoak,
ogitartekoak eta
errazioak

GOITIK BEHERA
BERRITUTA! ZATOZI!

BOLATOKI
taberna-jatetxea



Artekale 2, Elgeta. 943 76 82 84

JAKINA

FAGOR altzarien Bergarako banatzaile bakarra



Zure etxeko sukaldea berritu eta altzariak jarri aurretik, zatoz Jakinara. Diseinua, kalitate/prezio erlazio bikaina eta saldu osteko zerbitzu ezin hobea eskaintzen dizugu...

Eta zeramikako azken berrikuntzak.

Jakina, zurekin pentsatzen.

FAGOR 

Sukaldeko altzariak



JAKINA, bainugelak, zeramika eta sukaldeak

San Lorenzo Industri Poligonoa, Amillaga 10, behea. BERGARA.
Telefona: 943 76 03 30. Faxe: 943 76 02 91.